

INICIJATIVE Wolfgang Petrič predlaže

BiH je potreban Maršalov plan

Najmanje povjerenja imam u domaće političare • Morate imati ministarstvo
za evropske integracije • Što širi front protiv rastuće ekonomske krize

Nekadašnji visoki predstavnik za Bosnu i Hercegovinu, austrijski diplomata Wolfgang Petrič (Wolfgang Petritsch), smatra kako je krajnje vrijeme da se misleći ljudi ove zemlje te predstavnici međunarodne zajednice u BiH okupe i izrade jednu vrstu Maršalovog plana.

- Situacija u BiH sve je gora. Ne samo iz političkih razloga i zbog neriješenog ustavnog pitanja nego i ekonomske krize. Ona će se sve više ozbiljno odražavati na BiH, zbog čega država postaje sve slabija, ali i rad međunarodne zajednice u BiH - ističe on.

„Dejton plus“

Ovaj austrijski diplomata naglašava da u aktivnostima za prevladavanje krize najmanje očekuje od bh. političara. Precizira i da u idejama za rješavanje nekih bh. problema tijesno saraduje s Centrom za strategije evropskih integracija (CEIS).

Kako ukinuti vize

- EU treba odmah djelovati i pomoći da se ukine vizni režim zemljama zapadnog Balkana. Lično se snažno zalazem za to i kada se to desi, imam čemo veliki uspjeh.

No, da bi se vize ukinule, potrebna je akcija iz zemalja regiona. Ako Brisel misli da se u BiH ne mogu ni o čemu dogovoriti, ako vaši zvaničnici nisu u stanju izabrati novog direktora DEI-ja, kako vam se mogu ukinuti vize - kaže Petrič.

- Krajnje je vrijeme da odgovorne snage u BiH i oko nje sjednu i dogovore se. Tu mislim na cijelu međunarodnu zajednicu, susjedne države te domaće aktere. Oni moraju raditi na ekonomsko-socijalnom planu. Takav projekt zovem i „Dejton plus“, koji za cilj ima ulazak u Evropsku uniju!

Bosna i Hercegovina treba imati principijelan, ali i pragmatičan pristup. Već je dosta kasno,



Petrič: BiH treba biti „EU-izirana“

Izaslanik SAD za Balkan

- Moram reći da mi se nedavni zajednički tekst Ešdauna (Ashdown) i Holbruka (Holbrooke) nije svidio.

Oni upozoravaju na rat u BiH. To ne pomaže. Štaviše, ide u prilog radikalima, jer oni onda kažu - evo, vidite da smo u pravu. Problem u BiH nije tako alarmantan, ali jeste dubok i mora se temeljito

rješavati.

Ako se SAD ponovo angažiraju u BiH i na Balkanu, onda će to ići kroz ambasadora ili kroz izaslanika za zapadni Balkan. Problem ovdje je regionalan. Ekonomija radi svoj. S Kosova se u Srbiju izvozi 40 odsto robe. To je jasan indikativ. Dakle, tu se nalazi potencijal koji treba iskoristiti - iznosi Petrič.

pa proces mora odmah početi. Treba vidjeti šta je neophodno u ekonomskom i socijalnom smislu i kako to ostvariti kroz funkcionalnu državu. A do nje se dolazi promjenama Ustava, koje suviše kasne - kaže Petrič.

Precizira da najviše očekuje od biznismena, nevladinog sektora i inteligencije, kao i međunarodne zajednice.

Inckovi prioriteti

- BiH mora biti „EU-izirana“. Što se brže stvari mijenjaju, to se brže napreduje ka EU. Sada treba uraditi ono što je neophodno u ekonomskim i socijalnim reformama koje EU traži. Time se postiže dvostruki uspjeh. Borite se

protiv krize s jedne strane, a s druge ispunjavate zahtjeve EU.

Međunarodna zajednica i novi visoki predstavnik trebaju voditi računa o ovim problemima na isti način kao i o pitanju promjena Ustava. Valentin Incko (Inzko) s pravom je to pitanje postavio na posebno mjesto. No, bh. vlasti moraju odmah djelovati i rješavati ekonomsko-socijalna pitanja, jer se kriza zahuktava i ljudi je počinju sve više osjećati na svojoj koži - upozorava on.

Petrič, nadalje, sugerira da je potrebno odmah izabrati osobu koja će naslijediti Osmana Topčagića.

Direkciju za evropske integracije (DEI) trebalo bi „unaprijediti“ u ministarstvo za evropske integracije.

- Siguran sam da će Incko pomoći da bude izabran direktor DEI-ja. Riječ je o bitnoj instituciji i pojedincu. BiH mora svaki dan biti na dnevnom redu EU. Kako to uraditi ako Brisel nema odgovornu osobu s kojom će razgovarati!? - konstatira Petrič.

S. NUMANOVIĆ

Problem „alžirske grupe“

- Skandalozno je da pripadnici „alžirske grupe“ koji su se vratili u BiH još nemaju bh. dokumente.

Smatram da je to potpuno neprihvatljivo!

Bh. vlasti trojicu ljudi koji su

se vratili iz Gvantanama tretiraju na neprihvatljiv način! Takav odnos smatram nečuvenim i za svaku osudu. Oni su oslobođeni svih optužbi i trebaju biti tretirani kao i svi ostali građani - upozorio je naš sagovornik.